

太上洞玄靈寶智慧定志通微經 九

爾時

靈寶天尊靜處玄都元陽七寶紫微宮恬神玄漠寂然無為時紫微宮中外光明映照無量百和寶香不燒自熏香光纏會衝溢虛

空飄飄流流散注無窮神光遐鬱黍瀉清涼清涼奇雅非可演銘天鈞大樂萬種互作

天尊俄然初不顧眄思念萬兆造化之始胎稟是同各因氤氳之氣凝而成神神本澄清湛然無雜既投納有形形深六情六情一深

動之弊穢惑於所見昧於所著世務因緣以次而發招引罪垢歷世彌積輪迴於三界飄浪而忘及流轉於五道長淪而弗悟嬰抱痛

毒不能自知馳神惶悖唯罪是履慙之在心良無已矣憶其稟受之始理有可哀即遣侍

臣居左玄真人右玄真人須臾二真人立便躬到稽首禮畢依位而坐侍座良久言讖粗

悉於是  
天尊曰所以相屈之意正欲及之吾向思念億兆源起如是如是之理猶可拯濟卿等二

賢已發大慈大悲亦當同斯趣耶二真人答曰東兆塗炭常於所邑並各已作委曲教化具說罪福於理造極猶有強梁惡彥之人永自不信縱有微信當時錄伏不經旬朔已復懈怠蓋亦天尊高鑒所簡當如之何

天尊曰其雖懈怠當時一信福已不輕二賢已植此功宜獎之焉二真曰不審復應何方必令其悟

天尊答曰此輩冥昧示以廣途文多事碎智所不堪智所不堪致生懈怠心今欲旨以簡文要事的以示之當不同也二真於是下座稽首

天尊不審何事簡要可以開悟

天尊曰卿並還坐吾欲以思微定志旨訣告之其要簡易從易得悟不亦快乎二真曰思

微定志為有經耶

天尊曰都無文字二真曰斯徒觸壁無底大疑如無文字何從得悟

天尊答曰即時一切經書本有文字耶今日之言不亦經乎二真曰唯乞願聞報當書述

天尊曰譬如有人或千或萬欲得珍寶開海中大有便各各裝治或舫或船千艘百艘泛於大海或千里萬里或近或遠有洲嶼百千島亦無數或在水中甚多珍寶乃至無量七寶精光皆衝天色色各異同泛船伴如許多人及風雷發無識光者為爾且發問知何向

天尊又曰此諸船伴可得寶乎二真曰其無導師盡無先知處又不識寶光為爾周章此行甚難方當處處悉到悉發抵或於水中用力億倍或可果耳

天尊曰學道之人不得思微定志要訣如此諸人不識寶光而欲求寶可慙如何

天尊又曰如此東中忽有一人善識寶光寶光衝六萬里遠見如看掌中諸人雖多悉不能見善見光者舉帆先去眾船隨之逕至寶

所悉皆大得七寶名珍各各滿載運至本處眾伴議曰賴有導師今當報德於是船船欲

寶價直億千義以答恩其掌決乎二真曰何利若斯

天尊曰學道之人得此思微定志要訣其正如是識實先人


天尊又曰佳古久遠無數劫時天王運靈應更改人天下綬信有得之者便為天子時善相師見一山上有此綬光當是其夜天雨大驟火炬不立光耀暗中而人不見師於東中語村人曰天下天子綬信在此山中村人聞之皆各潛往暗不能得學無思微定志如彼暗行人也時相師聞人看綬不得自往看之往便即得遂登天位人若得此思微定志志意便定求道審諦如彼相師善實之焉勿得輕洩輕洩之者彼我獲罪罪在難原所以爾者非但輕經乃輕道也受學之人慎之慎之二真聞說欣踊無量中表相應唯無願聞天尊曰故欲相告豈得為隱便曰要訣當知三界之中三世皆空知三世空雖有我身皆應歸空明歸空理便能忘身能忘身者復復愛身身既不愛便能一切都無所愛唯道是愛能愛道者道亦愛之得道愛者始是反真思微定志理盡於斯斯則反乎兩半成一

之一還歸真道素日昇吾等不亦無復憂勞耶

天尊又曰兩半成一其義有五卿等知乎二真答曰已知不亦於彼清虛之系因氣氣之交分半下降就此四半合為一耶不亦或此假一而為惡者致招自然之系淪於三塗乎不亦為善離此四半還登太虛復我清虛之氣反我兩半處於自然乎

天尊曰卿體之矣今便以兩半輪轉圖為相示於空中下左真之前

兩半圖局如左一名思微定志其本  
法用金錢二萬四千上金五兩五錢紋中  
各一段素絲五兩五方紋縉各一疋明鏡  
一面本令紋縉歲計餘一金鈕一雙  
凡如千種投者得信當分明計十二折傳  
傳不理盡便違科罪增四倍受者法信不  
充而不意燕早足亦得罪罪與違科傳同  
寒接道士不論



上清弟子某甲齋信如法奉受要訣當志心拔還半反上不至枉魂飲丹盡一為信二具曰此實簡要始蒙開明乃有如此之妙旨而早不悟不勝天專感濟之恩銜荷而已豈是今日卑辭可謝

天專曰雖得此訣當以十戒為本授兩半訣畢次度十戒度十戒法法師居南弟子向師三禮畢請曰願見成就授以十戒當終身奉行誓敢有違於是長跪心存見十方大聖在於上方乃稽首誦受法師燒香便為說戒

- 一者不殺當念眾生
- 二者不姪犯人婦女
- 三者不盜取非義財
- 四者不欺善惡反論
- 五者不醉常思濟行
- 六者宗親和睦無有非親
- 七者見人善事心助歡喜
- 八者見人有憂助為作福
- 九者彼來加我志在不報
- 十者一切未得道我不有望

是為十戒受者並云弟子某甲受終身奉修又禮師都畢

天專曰能受是十戒修行如法十方天官無不衛護必致得道子若過世累不盡心十者九八七六乃至於五擇其能者然五戒之福

福亦難稱子其廣勸東兆垢重聞或不喜猶不一二羅縵委曲開悟如復懈怠日趣長苦由其罪深夫可如何二具曰如有善人志欲勤修斯事幸聞復有何事求道速速

天專曰普教科儀隱在三錄三元品戒三錄乃東經之端已出于世亦當相降也二具曰

三錄為是金錄玉錄黃錄耶  
天專曰然此並為形外之教思微定志之至理務知三元妙覺元二有道有地獄祈請七玄苦兼度未見者當爾之時上方空中有人誦曰

此法實玄妙 免汝九祖役 是其人不投  
令人與道隔 非人而趣投 見世被考責  
死墮三塗苦 萬劫悔無益  
所以空中作此頌者恐惡人得經便爾賤之

或以借富或舉本乞人今有心之人施信無所法橋路斷是故爾耳宜宜慎之宜慎之時二具人意中咸云此要訣炳灼聞即去悟前後冗冗了不關廢為是何物於是

天專知二具意報曰二賢卿等知不一切善惡皆有因緣應從吾受是故爾耳當相為說便可靜聽往昔過去恒沙之數信不可計元極久遠劫時有賢信道民姓樂名淨信居業巨富財不可計甚信道德靜處思惟心與口誓我富如此此皆福來銜荷天地甚宜報恩

報恩之心實有實到然未知何方從外獲處還問其妻具說如此道不須財今當云何妻曰道從心生何處覓道但當營始道士諸所乏无道士得已齋戒典顯遺事豈非釋道夫得妻言然之為佳心開覺悟時彼山南有一道士長齋居山恒誦經句去淨信家二百餘里淨信久聞此人亦常依俵即語妻曰我當往彼問其所乏當隨之供足須令盈餘不使竭少亦當且送薄餽妻曰能爾具是佳理開眼之日猶有所估如不如此身死神覺求哀

無所津信即開料雜庫出好名香細布白氈吉貝綿緇之類卧具氈帳乃及玩弄服飾之物金銀銅器皆精好者及諸雜樂事事種種捨十丁奴整作十楮詣道士所言語粗恣及所發起今齋薄餉奉上道士并以十奴長給灑掃道士從今以去有所乏須可分遣奴還隨命奉給道民幸甚勿得疑難道士為受淨信別去還家語其妻具說如此妻聞道士已受夫妻歡喜不自勝自今以去便以為常如此少時淨信夫妻命曰欲終都有一兒兒名法解時年十七侍父母疾父母臨終語其兒曰我得此輩有資財無量皆從道來誓欲報道固極之恩道不須財唯當供養道士吾比來入山諸所管為是汝所見今家財產足汝施用汝其勿廢法解銜淚嗚咽頓首快惱悲哭喚天一頓一伏氣絕復蘇手抱父母而啼又曰阿爺阿婆發如此之福臨命將終善尚不退天道雖遠豈當不感唯願即昇福堂位至高尊地後壽終必得相見俱在道位耳於是父母命他法解長叫氣絕于時久久乃

蘇由其父母子合門心行和吉雖以道士為先亦傍教親族鄉里遠近皆蒙惠潤富爾之日是親非親不避遠近皆往奔赴及家僅役亦復甚多見法解與父母長設孝心徹靈誓願如此舉眾無不自相顧視人人流涕不能自止言人如斯命盡如何法解於後敬向道心亦是天然加奉事命供養道士拯救貧乏給邱行旅遠及東生數百倍先外無毫入用度唯廣遂至於貧餉邱道士向欲不連道士轉老他無得處每日燒香憶此主人供養我輩遂至於貧唯願天道領其丹心我今老悴何以報之道士常以月末一日六時行道恒自感憶法解在心是故遣信要呼法解語信曰汝頓首主人此月末依常一日六時行道無復所須可來見就共作功德福雖然然亦不宜廢法解得信欣喜答曰為法解稽首道士承至日齋無常奉命信去之後計汝家中諸會諸會諸事悉皆空廢無可看持憶父遺教念增悲感訪貴屋宅屋宅高廣非中士可居唯宜天王天王復自有宮第或又云此

宅勢盡或且云凶了無買者乃欲自賞恐身屬他人永不得復入山見我道士法解夫妻與二男為居大者胤粗年十一小者次胤私名阿奴始涉八歲並姿容端正絕世無倫吐納誦誦聲有玉響行步舉止德味有餘年雖幼稚並加勤修答對遠近禮敬親疎書畫言辭每在人表其嫌大富都無男嗣恒樂此兒兄弟大小無在唯願得一能與我者產錢百萬貧兒佳故不計錢多法解忽悟還問妻曰憶昔曾聞卿姊樂吾一兒今欲爾耶妻未知問意即起答曰寧當俱死何有以如此之子去眼前理實兒欲以自活復增慈悲故是死耳了無此理夫曰我實兒意不以供口亦不供身妻曰欲以何施夫曰道士在山供養轉關卿昔聞我奉先君遺教為忘之耶妻即拭淚跪而答曰今雖窮弊實亦在心若如是者福德之事豈亦先君遺教安可不爾妻曰法用願廢便當持兒往報姊也母子臨發兒跪父別因居父曰便當遠送膝下奉繼何極願爺行止時適見視天性內發相抱俱哭阿奴



阿爺感徹天地胤祖抱其弟頭號哭良久曰  
 福德之事我亦當不久非言可盡父見其兄  
 弟如此心亦固已恐其妻悔即語妻曰即今  
 且將往就其姨質十萬錢作月日期冀望宅  
 售必得兒還若至期不贖當長與姨也所以  
 爾者不忍便別以自寬耳於是割情母子即  
 路母至姊所具說質兒意姊得聞之歡喜無  
 量乃與見錢整五十萬遣車三乘載妹及錢  
 送還嫁家次胤跪母辭曰父作如此功德後  
 必得道未果之間願孽爺行止時遇見視次  
 胤至欲慰其姨意抑忍不啼及母垂臨上車  
 遠遠在近母子恩情非可割雖不號叫母  
 子及姨三人相與雨淚百行於是次胤跪姨  
 啓曰今為姨兒何異所生但凡人分離猶尚  
 罔罔願姨見怨今欲乞一萬錢以與父別寄  
 娶車去姨怒此小兒情趣乃爾愈加於敬即  
 又料出見錢十萬曰以此與子意可與者恣  
 意與之次胤跪曰賜錢太多即啓母言以六  
 萬奉阿爺阿婆此是奴心以供養二尊朝夕  
 之資蓋亦微微願以自供必不他用以二萬

奉兄願勤加供養時復見憶餘有二萬寄奉  
 山中道士願我父母兄弟及我阿婆常與福  
 會所以不道共會又及姨福會者心恐觸忤  
 姨意故也母歸至家憶兒兄弟甚相珍重食  
 息嬉戲及其出入未嘗不同得一異味輒相  
 分與終不獨啖一旦分別我今獨反為福故  
 也胤祖在後甚懷憂思聞母大得錢還知弟  
 不歸拭淚掩手跪問母曰婆與奴別奴啼若  
 如母欲割其思歎曰不啼姨常念沙兄弟得  
 之歡喜抱不離膝銀以果果笑與吾別寄汝  
 錢耳胤祖知其必啼婆誘祖耳其眼好與祖  
 俱今獨在彼恍惚未習亦當思德阿爺及憶  
 阿祖且新與婆別那得不啼因而歎曰兄弟  
 二人忽爾生離父母為道故道當見念必使  
 彼此各彊健耳言之噓唏淚下覆面併氣嗚  
 咽不能自止法解於是市供齋具弄更大餉  
 道士道士驚問那復得此法解不敢上欺具  
 如事答道士不言相與共齋齋竟法解辭退  
 至家忽見諸雜倉庫金庫銀庫寶珠玉庫錢  
 庫絹庫絲綿布庫綾羅錦綺繒絲等庫米倉

鹽食五穀諸倉悉皆盈滿問其妻曰官寄此  
 耶妻曰不也忽見此耳夫妻一恠一喜或恐  
 是夢想或是天卹不自寧安法解復入山中  
 請問道士具白如是道士答曰貧道昨夜下  
 講於卧中得夢見有一人持一真材如意授  
 以與卿卿即受之貧道思惟謂是佳瑞然不  
 敢學恐事未應同齋之人謂我噴嗚今果如  
 此此是天卹人豈敢奪且卿敬信彰於玄遠  
 足以招此殆不須疑但用無嫌法解曰猶欲  
 白王令知其可爾乎道士曰善法解白王王  
 即答云卿精進出世天那不感此是天卹人  
 豈敢奪但用勿恐於我無嫌法解還家語其  
 妻兒具說如是王與道士異口同音此真天  
 卹益加篤信遂相承繼福祚永隆無復極已  
 於是  
 天尊問二真曰卿等識此三世人耶二真對  
 曰此事久遠實所不識  
 天尊曰時樂淨信者吾令身是法解者左玄  
 真人是法解妻者右玄真人是卿等願憶姓  
 古鞠育之恩乎致有今日更相關悟亦其由

也二真人聞教方始開悟雖憶此事領然無  
味然亦悠悠其為久遠言語未早忽有八色  
雲耕二人共乘侍從仙童玉女作釣天大樂  
從東南上來不通運前前即稽首

天尊轉拜二真二真方悟是二息乎今中候

太夫人將非

八九

十三

天尊往古夫人乎即先親也展此座早當往  
拜觀

天尊曰然子知之乎二真曰能實兒供法亦  
為苦乎

天尊曰夫如此輩有何限量或賣身供法或  
身投餓虎或割肉餵禽或殺身施蟲或質致  
妻子或以頭施人諸如此例終劫說之亦不  
可盡說亦無窮所以者何一切是輩並是得  
道真人共作親見勸化愚蒙身不復痛了見  
人理或是幻作蓋亦無奇所以指說胤祖次  
胤兄弟父祖三世六人者其時並是凡人而  
能如此真為少比是故說耳二真曰實如教  
旨二真得經衆訣之要各各慶悅意自云曰  
如此一切微有緣者必當樂受於是啓

天尊曰如今還外傳說此經不審科儀法信  
輕重謹以上誥

天尊曰朕未體備甚宜應問所以爾者大有  
旨要玄科隱秘故不一二載說之耳予並誦  
聽善識此禁最嚴慎勿差違

天尊於是告右玄真人曰卿受此經可擇其  
人傳不須法信又告左玄真人曰卿受此經

當依實典法信所用金錢紋繒等物皆令如  
式此法出自虛元浩素元若之凝思五方元

老常所寶修受者別齋上金五分素絲五兩  
以號五方元老之靈本命紋繒上壽百二十

歲計歲餘一公王一疋中人一丈貧者一尺  
此三種物慎不可闕而墮受受者有罪其

中增降以貧富量之左玄真人心疑不平因  
白

天尊曰右玄真人受此經文不須信物而反  
見使頌責如許經法是同即有二異其可解

乎

天尊曰非為偏也予未知乎衆地不同心心  
各異故開二塗其歸一也所以爾者右玄第

子桑門居士居士普行乞求破惡以為法橋  
能有施者福報萬倍故今授經不重責信卿  
今弟子縱使分衛以乞求度人人無與者更  
益彼罪信心無表何由得度今故制以法信  
法信之報報在無量如經無盡不妨右玄布  
施福也

天尊又曰右玄弟子施居士者是能滅割施  
財與人福報萬倍萬倍有盡左玄弟子齋信

受經此為信道則是施財於道是故福報如  
經無盡左玄真人雖奉教旨心猶未體福報

如經無盡之理復云何

天尊知其心念即語大賢卿有疑耶無所嫌  
也所以云福報如經無盡也何以故譬卿得

此經寫治一通傳與一人十人百人千萬人  
千億萬人不可計人人寫一通一通無限量

通彌布無外卿本猶存法信之報如此無盡  
假令卿今以一金萬金從師受經後得福報

如經無盡隨復永無耗竭恐弟子中脫有未  
悟為近譬耳夫經信之報隨信多少悉如良  
井縱使天下大旱百丈絕源此井猶滿井主

足用餘以施人百千萬人舉鄉邦人感意汲取給極無極終於無竭此是自然不盡之報天專曰既能信道用信道故能信經滅損身口以用受經財報無盡故謂無量加得信道之福信道之福令人精神聰明智慧如經無盡譬如一燈轉然百燈千燈萬燈巨億萬燈無量數燈普照虛空先所然一燈光明無損此是福報智慧永無盡也卿當普告受經之人導以智慧開悟一切如此井燈不得獨足便自為足左玄真人又疑曰悉天下大早百丈無源井那猶滿欲問未敢天專已知左玄之意即又語曰所以名為良井者也是時虛空之中眾仙大聖聽說法者巨億千萬咸皆開解同聲稱善一稱善福福足三皆左玄真人疑解廓然知責經信更是勝理下座稽首曰始蒙開悟是時共乘雲餅二人乃是往古胤祖次胤兄弟聞說要言即以仙童玉女千二百人稽首奉上左玄真人求受要訣左玄真人即授二人思微定志要訣二人信解即入第三仙品是時千二百仙

童王女見二人受經得道便各解身上寶珠璣珞奉上左玄真人求受專經受之亦竟讀得一徧神開解悟知三界皆空福盡應終便各悔過千二百人即於其身仍化入仙爾時空中有一天人意疑天專說此譬喻云學道之人不得思微定志要經如人海採寶無有導師又云如彼愚人喻人空山覓天子綬設如是者造化之初未有此經故天專大聖那得成道作是念已天專即知便答天人曰卿未預天人豈能速知造化之由如天專大聖經法未出而得道者皆是純朴行應自然自然之行曉與理合曉與理合自然玄悟玄悟之理本無文字撰集成經以告後來何所嫌耶譬人墮地獄豈須先作地獄法乎天人稱善曰聖專之言悟我愚蒙於是悔謝進仙一階時有十二年少處世閑樂日日相就共作好食酣飲嬉戲或復論議為道之難易

天專以道眼遙見此人前生在世得為人師而秘法經典故弟子於道之心亦復猶豫因此微緣緣猶可度於是天專即化作凡人從會中過過託乞食因悉共語諸年少輩復論如故一人曰我數隨家兄至安樂山中見諸道士悉持十戒肅肅甚佳如此後死魂神所在亦當不虛但十戒持人難悉從耳化人曰持此甚易道此難耳諸人聞化人言皆各念然問化人曰云何先生持戒云易不持反難化人曰立身如戒不畏天子亦不畏鬼神何為不易如違戒者是人志畏復畏鬼神云何不難於是十二年少並有道意因各自付其中一人素性好酒先曰餘者乃可唯酒難斷除我本性所好作不敢計所以者何我先服散散發之日非酒不解是故敢耳化人曰散發所須此乃是藥將養四大藥酒可通但勿過量至不如平耳一人曰餘事猶可安語甚難所以為難或身有靈靈或是專長應為隱諱而人見問不得不欺欺便犯戒是故為難化人曰事有隱顯言

有方便此亦可通但勿善惡及論說人之短  
言傷人耳一人曰餘者乃可唯盜戒難小小  
之間已是犯目化人曰大事可難小小之間  
不益易慎乎即為說偈曰

何不受盜戒 不受盜亦難 孰云閻中昧

中有記盜官 取一年年倍 倍倍殊不寬

以手捧洋銅 燒口莫心肝 一朝言此苦

終年猶心酸 何不受此戒 保持必令完

我信彼亦信 在在無不安 安坐招靈人

承享長年歡

一人曰餘者悉易避最難斷所以爾者我嘗

履斯事數隨凡中食當中食時謂云一日精

進無不過理亦謂後死必當得此齋戒之福

至是夕夜是我所懸轉來投捨雖苦加押送

不覺已爾每每如此是故最難化人曰色者

今是起耳想悉是空何有色耶但先自觀身

知身無奇使知無色何可不想且淫欲頗恣

如飲鹹水飲多渴多唯死而已何有厭足於

是化人而說偈曰

色欲劇於渴 小恙差可度 何為進鹹水

水鹹五酒固 子能善解渴 當飲天甘露  
甘露香且素 通體皆流布 天人尋香降  
玄趣自然悟 熙熙永無為 長保九天祚  
其一人曰餘悉可從唯殺生戒難我性好敢  
雞一食無肉了自無味數日便瘦化人曰賢

者虎為人患瘦益體輕用肥何為即說偈曰

賢者戒其殺 亦莫濼殺想 衆生雖微微

亦悉樂生長 如何害彼命 而用以自養

自養今一時 累汝自然爽 長論三塗中

辛苦累重生 善惡各有緣 譬如呼有響

何不改此行 慈心以自獎 真人携去遊

道遠觀淨量

說此偈已化人見大威變極道之姿侍從儂

屬鈞天大樂非可目名反于上方諸人悉見

喜懼交集并聞異說意解開悟悉俱共詣左

玄真人求得奉受經法并諸十戒真人亦以

道眼見此諸人先世因緣致其難悟之由枉

屈

天尊下降多方開悟故作建故不以授之以

其有礙不得都斷唯語明目當相授也明日

明日無復極已諸年少輩自共語曰我等命  
日難保不可為復如前明日明日也當各齋  
法信并辭便當更共苦請相照言曰叩頭自  
搏血出斛數亦要莫止左真慈心必授我等  
辭曰男生等叩頭乞道自持今日之日

液映已差恒恐微氣奄同彼昧昧而無曉長

夜難即孤莫因苦求免無所伏聞

天尊所演思微定志有十戒之法文簡事要

無細不度實人專專實仰希奉受朝受夕沒

永無遺恨若復遲延日過一日朝菌殘命未

知明日吉凶何如此妙趣萬代始出會遇

有今今復差違譬盲人捉雀入手復去雖復

萬劫豈可重違輒自聲竭辨信如法條牒如

左謹重稽顙奉辭以

聞唯乞成就謹辭

上金五分 本五兩

素練五兩

本命絞綰年餘一合如于

命米五斗

薪一束



右五種如法

太上洞玄靈寶智慧定志通微經  
二十

三經同卷

太上洞玄靈寶觀妙經

太上洞玄靈寶天尊說大道經

太上洞玄靈寶護諸童子經

今

太上洞玄靈寶觀妙經

夫欲觀妙成真先去邪僻之行外事都絕然  
後澄靜其心所思次東次滅習之既久其心  
漸開唯滅動心不滅靜心但凝空心不凝有  
心靜心之上豁然無覆靜心之下寂然無載  
有事無事常若無心處靜處謹其志唯一若  
東心太急又却成疾發乎狂癡是其候也心  
若不動又須放任恒自調通勿令結滯處  
無惡涉事無惱者此是真靜也不以涉事無  
惱故求多鑿乎靜久神煥天光自發勿奉息  
求致以乖自然於靜境中見無所取若有所  
取則偽亂真久而行之自然得道夫得道者  
心有五時身有七候一時心動多靜少二時  
心動靜相半三時心靜多動少四時心無事  
則靜有事運動五時心常與道冥合亦不動

七候一者心得真定不雜塵塵二者宿疾蠲  
消身心清爽三者填補虧損復命還年四者  
延齡度世名曰仙人五者鍊形為氣名曰真  
人六者鍊氣成神名曰神人七者鍊神合道  
名曰至人其於鑿力隨候益明夫久學靜心  
都無一候但令機質粗謝方空欲成真道未  
之聞也

太上洞玄靈寶觀妙經